

# Meänkielen seminaarin esitelmät vepilä UR Playssa

**K**ielen ja kansanperintheen instityytti (Isof) ja Kieliraati järjestit meänkielen seminaarin ensimmäistä kertaa viimmi vuen lopula. Koko päivän mittanen seminaari piethiin 11. päivä marraskuuta 2019 Uppsalassa ja Utbildningsradio eli UR oli paikan päälä filmaamassa. Filmatut esitelmät lähätethiin Kunkapskanalenissa maaliskuussa 2020 ja nyt sie löyt esitelmät kans UR:n kotisivuluta osotheesta urplay.se. Sie löyt seminaarin esitelmät urplay.se:stä ko kirjotat sivun hakuruuthuun ette ”Språkseminarium i meänkieli 2019”. Osa esitelmistä piethiin meänkielelä ja osa ruottiksi ja nyt UR:n filmissä oon myötä kans tekstitys.

Tarkotus oon ette Isofin meänkielen seminaari järjestethään joka vuosi ja vuen 2020 seminaarin suunnittelut onki jo menossa. Jos sulla oon joitaki iteota tulehvaan seminaahriin niin met mielelä kuulisimma niitä! Lähätä sinun huntteeringit e-postila osotheeseen meänkieli@isof.se.

Tässä vielä lista seminaariesitelmistä mikkä sie saatat nähhä UR:n kotisivuluta:

- Aktyelliä Kielen ja kansanperintheen instityyttilä (Martin Sundin, Isof)
- Oonkos Uppsalassa ja Stockholmissa meänkieltä? (Tyra Helena Lindström, Uppsalan Tornionlaaksolaiset ja Kurt Kalander, Stockholmin Tornionlaaksolaiset)

- Vähemistökielityöstä Luulajan kunnassa (Anne-Mari Angeria, Luulajan kunta)
- Monikielinen esikoulu Luulajan kunnassa (Viktoria Björklund ja Nils Bertil Heikka, Luulajan kunta)
- Meänkielen tialektista (Birgitta Rantatalo)
- Kansanusko Tornionlaaksossa (Tommy Kuusela, Isof)

Hoksaa kans ette yks seminaarin esitelmistä oli meänkielen likheisen sukulaiskielen kväänin kielen työntekijän Anna-Kaisa Räisäsen puhe siitä kunka saaha pienile kielile lissä puhujia. Se kattohiin Uppsalassa videolta eikä sentähän ole myötä UR:n kotisivuluta. Sie saatat lukea esitelmän kvääninkielisenä tekstinä Kieliviestin numerosta 4/2019. Se löytyy kans Kieliraatin kotisivuluta tekstinä kahela kielelä: kvääniksi ja norjaksi.

*Elina Kangas  
Meänkielen kielenhuoltaja, Kieliraati  
elina.kangas@isof.se*